

匪衆初亦死拒旋因官軍槍礮精利死傷甚衆紛紛潰退陸統領督率各營追至高塔里始駐營伏息計陣殲及跟追擊斃者約二百餘人救拔難民三十餘丁口

日俄戰事紀要

奉天附近戰

日軍之在奉天方面者以正月十六日開始運動與俄軍鏖戰十七日日軍右翼兵團攻擊天合嶺及榛子嶺附近之俄軍
約步兵二大隊騎兵三
中隊繼有山礮兩尊 午後四鐘半遂佔獲該嶺俄軍棄屍二十向金斗峪地方而退其左翼兵團則逐退高力營及蛤蟆嶺附近之俄軍
約有步兵二大
隊騎兵一中隊 而佔其地十八日午後四鐘俄礮兵約一中隊在英守堡
在灣柳河西南
約三營羅遜當附近向日軍轟擊日 軍還礮擊之至日沒始止十九日午前十鐘灣柳河附近之俄礮兵礮擊日軍右翼兵團之前哨正午俄步兵約三中隊逆襲日軍右翼兵團之左翼又約一中隊逆襲日軍左翼兵團之右翼然皆擊退之午後日軍右翼兵團攻擊灣柳河附近防禦工事之俄軍
約步兵一聯隊
礮兵一中隊 勝之中有一部未受俄軍抵抗遂以午後四鐘佔領金斗峪其左翼兵團則向南台子前進預備攻擊清河城附近之俄軍時有俄步兵四中隊逆擊而來皆擊退之二十日依預定方略進攻清河城是日適降大雪咫尺莫辨加以太子河冰方融解諸隊運動極困難而俄軍又據守天險築有堅壘抵抗殊力故至日沒不得已而停戰二十一日兩軍復戰各以炸彈相擲惟日軍分兩路夾擊俄軍不支遂於午後六鐘佔領清河城全部俄軍敗後悉向馬羣灘方面退走棄屍戰場一百五十具俘虜二十四名又奪獲機關礮三尊洋槍二百枝槍彈十萬枚是日應戰之俄軍爲豫備步兵第七十一師團携有野戰礮二十尊各中隊約一百五十名而其二三中隊幾於全數覆滅二十一日黎明續行攻擊日軍右翼兵團進至西川嶺附近左翼兵團則在大嶺附近與俄軍
約三大隊乃由東部西伯利亞狙擊步
兵第二十二聯隊及豫備步兵第七十

軍 事

一 百 七 十 七

乙 巳

軍 事

一百七十八

四月

一師團之一部而編成者 交戰直至日沒收隊二十三晨日軍續行追擊右翼兵團驅逐少數之俄軍以午後三鐘佔領五龍口左翼兵團則遂退入盤山附近之俄軍更進佔五百牛泉其枝隊則與大嶺俄軍對峙是日俄軍創甚遂燬沿道之村落而退二十四日日軍右翼兵團更前追擊與俄之新兵西伯利亞祖擊步兵第二十三兩聯隊據有野戰砲八尊機關砲四尊戰於地塔附近以至於日沒左翼兵團略與俄軍交綏因地勢阻礙未至實行攻擊二十五日午前四鐘東勾山及唐家屯北方高地之俄軍先向日軍發砲日軍略出應戰午後一鐘全兵團齊起砲擊俄軍損害極大自西孤嶺東北高地經王富嶺北方高地以至松樹堡子南方高地一帶障地悉為日軍右翼兵團佔領中央兵團亦於是晨砲擊俄軍俄軍砲聲漸沈遂毀防禦工事而退其左翼兵團方面之俄軍則以砲隊居前向李大屯啞叭臺及沈旦堡附近轟擊而阻於日軍主力故不得越狼洞溝而前日軍迂迴兵團之右翼隊於午前八鐘佔奪肖在門並擊退俄騎兵於良加子附近向北前進其中央隊關迂迴兵團則於鄭家屯北方擊却俄軍而至老窩棚其左翼隊關迂迴兵團則與俄軍相遇轉戰北進遂將三道溝至榛子嶺一帶佔領二十六日日軍右翼兵團之右翼隊將王富嶺北方高地及高臺嶺佔領左翼隊關右翼兵團將小堡溝子及姚千戶屯佔領惟中央隊關右翼兵團因受前老子溝及車頭嶺方面之俄兵縱擊故攻擊東勾山未能奏效其左翼兵團逐次北進迫近俄軍障地而俄軍兵力原有野砲二十四中隊重砲四中隊後復增加力為抵抗故日軍突擊未能得手入夜又襲王家窩棚李家窩棚殊亦無效反受俄軍逆襲然日軍勇敢卒擊退之迂迴兵團之右翼隊關迂迴兵團夜一鐘佔領自三家溝至張家堡一帶之地中央隊關迂迴兵團則由大黃徐堡及牛心地一帶繞行四方臺俄軍側背而達蘇家安附近與右翼隊協擊四方臺之俄兵至午後一鐘遂將四方臺全部佔領而其騎兵亦於是日佔領大民屯及新民廳二十七日右翼兵團之右翼隊佔領高臺嶺東方之高地中央隊關右翼兵團則於天未明時至長勾附近攻略俄軍第一障地中央兵團向萬寶山俄軍攻擊勝之惟未

龍即拔至夜中央隊屬中央兵團為俄軍逆襲即擊退之左翼兵團於午前八鐘以左翼隊之一部侵入長灘以右翼隊及中

央隊佔領北臺子及李家窩棚王家窩棚等處後又向金山臺孤家子周官堡及王周臺之俄軍猛攻俄軍潰遁遂將周

官堡及王周臺佔領日軍乘勝進擊俄軍悉向東北而退迂迴兵團派右翼隊進抵張站附近夜有俄步兵五大隊來襲

悉拒退之中央隊及左翼隊兩隊皆屬迂迴兵團則與右翼聯合迫退俄兵於東北二十八日黎明右翼兵團之左翼隊佔領後松木

堡子北方之高地及唐家屯北方之高地復向俄軍扼要地線攻擊前進中央隊及右翼隊兩隊皆屬右翼兵團亦相繼進擊至夜俄

軍大部隊向日軍左翼潛襲四次皆為日軍擊退俄軍損害極大又俄步兵約一大隊侵入奉集堡及上瓦房亦為日軍

擊退左翼兵團之右翼隊佔領三家子小房身孟達堡諸部落中央隊屬左翼兵團則佔領銀爾堡後面之歪家堡附近之地

迂迴兵團之右翼隊敗俄軍於彭驛店附近向林家臺方面追擊其他諸隊亦擊退俄軍於東北日軍遂進至德勝營子

及達子堡拉木河之地二十九日午後四鐘右翼兵團之枝隊遇俄兵於五家堡擊退之中央隊屬右翼兵團與左翼隊屬右翼兵團

屬左翼兵團聯合向邊牛泉堡北方高地攻略俄軍第一陣地中央兵團之左翼隊則與左翼兵團之右翼隊聯合前進迫逐俄兵

於東北午後一鐘遂佔領來神堡及武鎮營左翼兵團之中央隊佔領蘇胡堡其左翼隊屬左翼兵團擊退前崔家堡附近之

俄軍至夜又向沙坨子舊鐵道橋一帶攻擊由魚鱗堡附近迫壓俄軍之右側背迂迴兵團之枝隊是夕佔領李漢堡之

俄軍陣地其別一枝隊進至大石橋及前心臺子附近右翼隊屬迂迴兵團則與左翼兵團聯絡攻擊俄軍三十日日軍右翼

兵團派遣枝隊至馬羣灘方面下午三鐘半奪取東孤嶺並其北方之角面堡是夜右翼軍方面及佟家墳北端皆有俄

兵來襲均擊退之中央兵團之右翼隊是日午前八鐘佔領柳匠屯圍俄軍於中央之複郭其左翼隊屬中央兵團同時佔領

四方臺至英禹一帶至正午又將西部漢城堡佔領進攻高力屯是日蘇家屯車站俄軍自行焚燬左翼兵團則是晨

軍事

軍 事

一 百 八 十

四 月

估領達連屯至小蘇家堡一帶又向莫家堡楊士屯一帶攻擊迂迴兵團之中央隊攻奪李官堡之俄軍陣地其左翼隊兵團^{迂迴}則由大石橋前進攻入轉灣橋五臺子一帶騎兵隊亦直抵前心臺子遣其一部佔領揚馬廠二月初一日右翼兵團於馬羣灘方面派遣枝隊佔領稗子勾南方一帶高地追擊三家子方面之俄軍直至頭道溝中央兵團於奉天街道附近與俄軍對峙其左翼隊兵團^{屬中央}則於沙河堡及東部漢城堡蘇家屯北連子營二台子等地與俄軍對峙惟東部漢城堡俄軍抵抗極強且兵力漸增故未奪取其地迂迴兵團因欲攻擊奉天及奉天之西故先攻奪大石橋至平羅堡之地是日俄軍約一師圍擣礮七十尊向高力屯全臺之間攻擊而來日軍擊退之後復進與日軍相持以至於日沒初二日午前三鐘日軍右翼兵團方面約俄步兵一隊由唐家屯北方高地向之攻擊日軍極力抵抗俄軍敗退棄屍三十具中央兵團方面之俄軍則於上午二鐘猛向日軍右翼礮擊未幾又約步兵四大隊由正面來襲日軍逆而擊之戰至四鐘半即將俄軍擊退其左翼隊兵團^{屬中央}續向東部漢城堡礮擊午前十一鐘全將該地佔領並擊退高力屯附近之俄軍佔地益廣是晨右翼兵團續攻李官堡迂迴兵團助之始佔其地三分之二迂迴兵團之左翼同時向北陵及張家子繞行圍攻至晚即佔領轉灣橋至張家子一帶之地初三日右翼兵團及中央兵團前面之俄軍全數退却二兵團先後追擊中央兵團之右翼隊向娘娘寨班子寨之間追擊潰退俄軍直至荒山附近俄軍大受損害左翼兵團自前日以來屢受俄軍逆襲苦戰之下始將俄軍擊退是時某旅團在李官堡忽被俄軍包圍日軍奮勇抵抗俄軍死傷甚多午前十一鐘俄軍即已動搖日軍乘勢追擊遂迫俄軍於奉天方面迂迴兵團亦將該方面俄軍猛力擊退佔領小集屯及八家子三臺子等地其一部隊則將奉天以北鐵道破壞俄軍轉運遂由此絕初四日右翼兵團將其前面俄軍逐進至渾河右岸以擊守備該處之俄兵至晚復進至護山堡及彭家樓附近是晨中央兵團佔據渾河左岸之防禦工事以與俄

軍對峙並遂退渾河堡附近之俄軍復向奉天北方攻擊前進初五日上午馬羣灘方面北進之日軍得右翼兵團右翼隊之助攻擊撫順北方高地及地塔北方高地至午兩處俄軍皆為擊退更進追擊旋將濫泥窪喇嘛溝一帶佔領同時中央隊屬右翼兵團佔領興隆甸北方高地續行追擊並將護山堡奪取是晨左翼隊屬右翼兵團將舊站西北之角面堡及其附近俄軍擊退繼又進攻彭家樓北方高地及達連堡子北方高地之俄軍接戰之下並擊退之同時中央兵團之右翼隊將七間房附近之俄軍擊退午前十鐘半進至王家勾東方互趙家溝一帶時俄兵約一大隊當前逆襲日軍力擊退之十一鐘佔領王家勾以南之高地續攻奉天街道退却之俄軍其別一部隊同時佔領魚鱗堡北方至二臺子一帶以斷俄軍退路左翼隊屬中央兵團於楊官屯西面渡涉渾河擊退右岸之俄軍更前追擊左翼兵團向大堡及新堡攻擊以牽制俄軍午前十鐘即將該二地佔領並向馬頭西塔太平莊及後塔一帶攻擊前進迂迴兵團之左翼以攔截俄軍退路為目的於午前十鐘向胡士臺前進中央兵團之一部及左翼兵團之一部則於同時佔領奉天於是俄軍咸向北退更據鐵嶺為防禦地矣溯自開戰迄終凡二十一日俄軍之與於是役者共步兵三十萬零八百人騎兵二萬六千七百人礮一千五百六十八尊為日俘虜約四萬數千人死傷者十一萬六千五百人日軍死傷亦四萬一千二百二十二

中立彙誌

中國 遼陽州知州陳良杰前經日軍拘去旋即釋放後又查出其通俄實據有陳署中十人為証復由駐華日使照會外務部請中國自行照中立條 理以保全中國主權 日本以俄國通告各國謂日軍出奉天之後必取道蒙古為違犯中國中立即以俄軍蹂躪中國主權六事以答辯之一俄命其兵約三百名分駐庫倫徵發牛馬二俄軍小隊自開原附近入於蒙春內地三俄兵一隊與其所屬之蒙古兵共以車三百輛滿載槍礮彈藥經蒙古出小庫倫為中國官吏

軍 事

一百八十二

四月

扣留四俄國特遣騎兵三百於東海桐喝中國官吏令其釋放軍火車輛五遣騎兵三百名巡邏蒙古之鄂爾羅斯地方六從蒙古經過張家口以運送彈藥被中國官吏查獲充公 約束駐滬俄兵章程五條迭經日領事照催開辦江海關道袁觀察向俄總領事一再磋商甫於二月十三日就緒即電外務部及南洋大臣略謂現將辦法五條與俄領商定悉遵憲臺指示並擬在浦東四五里外擇地一區以備俄弁兵散步免致游行租界滋事已行縣委會勘俟擇定再與俄領彼此備文切實遵守云云 二月初旬奉天西路遊擊馬隊管帶阮鳳翔及知縣馬某奉派赴新民府公幹行至塔灣被日本卡兵拿問旋由其身畔搜出俄國路照一張日員指為俄軍偵探斬首戮之 二月初旬奉天增將軍電告政府略云日軍既占領奉天俄軍敗退道經中立界之昌圖府盡情蹂躪橫暴無所不至祈迅與俄使交涉等語政府接電以俄軍敗退有心破壞中立擬要求俄政府賠償損失云 又奉天增將軍專弁至京咨呈外務部謂日軍到奉天稽查各局所公牘拘去候補道以下數人有某都司即被槍斃請即照會日使詰問云云 奉天俄軍敗退時命一將校率兵多名擁入將軍署中稱奉苦魯巴金將軍之命請貴將軍至城外增將軍營以奉命坐鎮奉省未便擅離寸步俄將校怒將增將軍及其幕僚十餘人拘向北去後幸俄軍敗潰逃竄不遑兼顧增將軍等始得乘間逸回奉天省城云 外務部致北洋大臣電稱據日本公使照稱遼河西岸軍隊業於二月初五日一律撤去望即飭知各巡隊按界分段嚴防勿任戰國軍隊再入中立界內云云 駐華俄使照會政府指稱馬玉崑所統華兵在新民屯與滿洲鐵路附近會同匪徒攻擊俄兵實為不合 政府以俄兵闖入遼西地方又在新民府與日軍開戰是該國有意不守中立恐其漸次西下竄入關內特由軍機處密電北洋大臣袁慰帥暨直提馬軍門飭將應需軍火迅速備齊通飭各處防營及關內外鐵路一帶嚴加巡防以備不測云 俄國將中國不守中立五事布告各國後駐美俄使復與美外部函札往還辨論此事俄以中國即

不認有違背中立諸事然在烟臺之勒斯起及納驅逐艦爲日艦溯沙所捕與中國竟不阻止其不能謹守中立或不願謹守中立已可顯見言詞之間頗含忿怨中國之意美外部答以美國終信中國之能確守中立且深願兩國均不破壞中國中立惟此事俄既布告各國美國未便獨籌善法似宜由各國公同會議云云旋美外部復致電駐華美使令其轉告中國外務部言美國深望中國謹守中立倘或不慎非獨中國受累即有關限定戰地之各國恐亦難免云云駐滬日領事聞俄艦奧斯利有擬添裝煤斤五百噸之事因致函江海關道袁觀察言該艦前次會裝煤斤五百噸稅務司查稱三百噸尙未得其實在情形乃事滿匝月該艦又欲裝煤何以所需如此之鉅應請貴道嚴密根究勿任朦混等語袁觀察覆以來函所謂擬添裝者尙未實行裝儲究竟奧斯利有無添裝之意現經函囑稅務司探查防範俟復到再行布告云云駐華日使照會外務部略謂奉省俄兵業已悉退邊牆以外聞有潰逃兵弁隱匿於遼河西各村莊者希轉飭曉諭商民如有逃匿俄人務即縛送就近日署慎勿容留自取咎戾已由外務部電咨轉飭遵照奉天增將軍咨行外務部略謂該處電報既多阻礙而驛遞公文又往往經戰國卡兵攔截毀滅且時將驛卒殺害以致文報阻滯請照會日使務飭該卡兵等遇有公文往來萬勿阻截致誤要公云云外務部即據以詰責日使畧謂兩國相爭不斬來使況局外中立之文報於戰事毫無干涉何得擅行截殺相應照會貴大臣查照飭行該卡將截殺驛卒之兵弁等嚴辦并將被殺之驛卒目兵優給撫卹以彰公道云云日軍入奉天後將驛巡道王頤勳等十九人拘去外務部得電後即向日使力爭日使轉電日軍旋即釋放二月中旬吉林當將軍有急電至京報稱有無數俄兵竄入吉林請外務部照會俄使轉飭俄兵勿得騷擾

各國自正月下旬起至二月中旬日本又獲裝載禁品之英輪多艘一威納斯二阿佛羅帶三帕巴吞四哈羅維甫其前次所捕之克因阿特爾則判定充公其薩克孫潑令斯則由裁判所釋放所載貨物亦已一律給還又塔科買輪船由美國西方之細德爾海口起程向海參威進發行至日本北海道爲堅冰凍住遂被日艦拘獲甲辰七月海參威俄艦隊擊沈之英國商輪奈喀曼達英國已向索賠英金十萬鎊俄國亦已備文待償惟未有欲將此事付諸公斷之意至擊沈協生輪船一事英國亦向俄國索賠

軍事

一百八十四

四月

俄易統將

俄廷將苦魯巴金將軍褫去滿洲軍司令長官之職而以陸軍大將連尼維趨繼其任苦將軍則降為滿洲第一軍司令官

日封軍港

俄國海參威軍港已被日本瓜生司令官所率之艦隊封鎖一切輪船不能出入

各國軍事紀要

韓國 韓國改革兵制須將原有之兵額裁減及半現已決定練兵十四大隊每隊六百名

日本 正月十七日臺灣土人聚眾突攻電氣公司殺斃日人十四名中有婦女三名此外又檣腦公司中日人亦被殺斃數名

土耳其 香港報得倫敦電云土耳其回教人倡亂殺死亞美尼亞省人千餘名

俄國 倫敦電俄國奧利爾與特爾尼古夫省之鄉人結黨數千焚劫鄉村俄官已派大兵往剿 又電莫斯科之克利

莫姑城被亂黨炸毀城壁俄官索犯甚急 倫敦路透電俄國村民在奧賴爾及舍尼哥兩省劫取俄皇及皇室之產業

倫敦電狄列比亞地方忽起擾亂警察署長為人所刺 大阪電波羅的省之多爾配特地方又亂其勢甚烈 倫敦

電俄人在俄國南境希夫喀爾喀夫城縱火焚燒致物業被毀者約值數兆盧布 又電波蘭苦努省有均富黨肇亂瓦

爾瑣亂民亦與官兵格鬪奧斯吐魯之亂黨與官兵互有死傷 又電瓦爾瑣警察長娜爾坎男爵因查辦亂事經過微

斯士拉河有以炸彈投入其車內致受重傷其兇手旋即被獲 又電格里米亞半島東南海口之葉爾泰地方有亂該

處警察營房及貨棧酒坊等均被搗毀警察長負傷并焚毀店舖甚多近已飛調官兵并由色伐斯拖波遣派兵艦數艘

前往彈壓

馬基頓 馬基頓尼亞近有亂事以哥斯脫支土地地方為最甚

西班牙 西班牙國民肇亂業與官兵戰於巴西西郎納之郊外

非洲 非洲東部素墨利蘭有亂該處白那大海濱之曼塔加城中居民悉被素墨利蘭人屠洗